

永樂大典

百五四

卷「四六〇七」簿字

卷「四六〇八」簿字

卷「四六〇九」簿字

永樂大典卷之一萬四千六百七

六幕

簿

主簿

事物紀原韋昭辨名云主簿者主諸簿書辨云得晉也晉關諸事也簿書必有掌者錄事總領之耳韋書要語主簿謂主諸簿

司佐理縣務職司符印主掌簿書

御史臺主簿

事物紀原臺簿漢有此官張忠為御史大夫署孫寶為主簿是也魏晉以來無聞至隋大業三

年御史臺始置主簿二人唐置一員掌付事勾稽省署抄目監印給紙筆其俸祿與殿中御史同武德末杜淹為大夫以吏部主事林懷信為之員觀中自張弘濟為此官之後遂為美職管轄中雜務公解廚庫檢督令史奴婢配勲散官職事美食則執黃卷書其譴罰唐職林憲臺之禮雜端在南蜀主簿在北蜀五代會要後唐天成四年八月御史臺元目官間珪狀分析每有大夫中丞奏請雜端主事等官承前隨廳罷任其簿未顯見

任伏候初裁初諸道賓從即隨府罷臺主簿既為正秩況入門並自如恩須終考限未願宜仍舊官杜佑通典宋御史臺推直官二人專治獄事主簿一人掌受事發辰勾檢稽失兼簿書錢穀之事元豐官制行定員分職兼行推直悉罷檢法官掌檢詳法律元祐三年改為主簿紹聖三年並敘追奉復置主簿掌勾稽簿書各一人紹興初詔檢法主簿特令殿中侍御史奏辟紹熙中侍御史林大中以論事不合去所奏辟檢法官李謙主簿彭龜年亦乞同罷嘉定元年劉渠除檢法官范之榮除主簿以後二職皆闕事文類聚熙寧十一年改主簿作檢法官各一員係長貳同舉京官充元豐四年罷宣和二年御史臺申請六年復置各一員續會要四朝志又熊氏職畧云國初沿唐制御史臺有推直官按四朝志推直罷於改官制之時而檢法之置乃在熙寧十年續宋會要元豐三年季定請增置一員點檢六案文字元豐六年九月中丞黃履言本臺有主簿兼檢法官二員乞復置分治職事詔置主簿并檢法官一員從八品又奏本臺主簿檢法官係分掌班籍參預定刑所領職事與他司不同元祐元年大理寺右斷刑架閣庫專委主簿主管宋張廣求憲集黃應南御史臺主簿制初具官某御史府設屬所以維持紀綱必得端良乃應器使以爾學務

真積心行克誠擢在師儒之聯蔚有縉紳之譽往往任鈎檢俾能其官益勵
爾為以贊而長 李潤御史臺主簿制 勅具官某朕惟憲府之屬中執
法得以自擇蓋欲其以類舉也爾學問操履有聞于時模茂詳明形於薦
牘俾其任任鈎檢儻無諱簿書之勞是為不負所知亦庶幾紀綱之勗慕
容考選摘文堂集宣義郎陳郊可御史臺主簿制 勅具官某憲府肅正
朝綱肆於簿領之臣考擇惟賢以爾材實之美宜踐厥官錫茲命書柱承
無數可汪藻浮溪集黎譯御史臺主簿制 御史府朝廷風憲之地以簿
領勾稽於其間者蓋不輕授往貲而長毋失官職周麟之海陵集沈樞除
御史臺主簿制 國之紀綱屬在憲府官無大小皆欲以庶亮有守之士
為之儲才於茲其用固有序也爾以學業之茂安於守而達於所知延見
昕朝首告朕以君子小人之說夫二者治道之要也爾能知之是足以為
臺屬矢鈎稽之任其尚勉哉可劉行簡荅溪集左承議郎鄭毅除御史臺
主簿制 勅具官某御史府風憲所在其屬皆一時異選簿領鈎稽之職
非他有司比也爾志行老成謹辱通敏俾居厥次公論謂宜尚勉之哉可
彭止堂集辭免除臺簿中省狀 紹熙壬子准六月十六日省劄朝散郎
守侍御史兼侍講臣林大中狀准御史臺令諸檢法官主簿延長貳不限

資序舉承務郎以上充。照得本臺檢法官曹三復近已改除監察御史尚
闕臺屬一員。兩奉王音令臣奏辟臣竊見國子監丞彭某操行堅正不為
詭隨。遇事通明。不為沽激。堪充臺屬。差遣。欲望聖慈特降睿旨施行。伏候
勅旨。六月十六日。三省同奉聖旨依李謙差充御史臺檢法官。彭某差充
御史臺主簿。并準小貼子檢會。乾道六年七月二十四日。已降指揮。今後
除授職事官。並今不候受告。先次供職。者某照對御史臺奏辟檢法主簿
在法。雖不限資序。然比年所辟多是曾任知縣人。某自改官以來。未經作
縣。按之近例。難以充負。無聞元祐中王巖叟嘗論奏言。路數人所賴以察
四方之事。達四方之情。而專用一方之人。非所以廣聰明於天下。某伏見
御史臺見今察院及屬官已多江西人。而某又居江西。雖事出適然。而簿
書之職亦無言責。然不能周知四方之事。恐非朝廷所以廣聰明之意。况
某人品庸下。無所採取。列屬臺中。最為不稱。欲望特賜數奏。下御史臺改
辟臺簿。將某別與差遣。伏候指揮。乞解罷臺簿申省狀。照對某昨於
紹熙三年六月十六日。準尚書省劄子。備奉聖旨。差某充御史臺主簿。竊
緣某當來係侍御史林朝請奏辟。今月十八日。林朝請已除吏部侍郎。某
自合解罷除。已申御史臺請假。更不入臺外。欲望特賜數奏。別與某一等

差遣伏候指揮。辭免依舊充臺簿申省狀。右某伏準省劄以某乞解
罷御史臺主簿職事。十二月二十二日三省同奉聖旨。並仍舊供職。某祇
聞成命。倍切凌兢。自揣弗安。敢忘冒瀆。某聞人臣之事君。進則當守其法。
退則當致其義。二者失一不可也。某昨者蒙朝廷差充御史臺屬官。乃以
侍御史林朝請奏辟。林朝請既除吏部侍郎。某合當解罷。兼林朝請近因
論事不行。遂有改除。某忝為臺屬。裨贊無狀。未加屏斥。已荷寬恩。豈可懷
慚。復入憲府。某義亦當辭。法既當罷。義又當辭。冒而居之。實不皇厥欲望。
朝廷特賜敷奏。與某一在外。合入差遣。庶安愚分。伏候指揮。唐仲友說齊
集知信州通交代。啓臺簿啓。宸綸改命。使節按刑。五月尚返。改敏太公
之報。百城未肅。民須貫父之朱。郵置一傳。措紳交慶。恭惟某官。氣養剛太
德。依中庸。惟其資深而居安。是以用明而宿壯。淵乎似道。孰測汪汪之陂。
若然奏刀。但見恢恢之地。一自烏臺之結綬。苐更熊軾之頒條。辟是與非。
曹何剛吐而柔茹。興利除害。固已吏畏而民懷。偶潢池兇竊之區。藉嶺嶠
犬牙之制。爰膺衣繡。持斧之選。往與帶牛佩犢之風。然三接方錫於康侯。
必一言深悟於上意。不辭攬轡。固君子急病而遑夷。如欲折衝。當惟惺
運籌而決勝。衆論如此。俞意必然。某叢共文衡。今承郵綏。無山無大。願聞

楚令尹之告新。或異或同。當免曹男子之善學。燕賀方深於成。漢書尤
荷於樞謀。尚苦炎蒸。諒綏福履。敢致精調之祝。用迎滋至之休。周益公大
全集諸臺簿啓。三遷就荒木決歸田之計。一麾出守。誤叨來降之恩。自
惟機線之無長。加以鬢絲之既老。投閒置散。乃所當然。宣化承派。斯為過
矣。載者叨踰之自。寧無獎借之由。茲並某官學問粹精。風猷警邁。又儀仕
路人皆嘆於良難。擢真臺僚。上獨嗟於見晚。每推公論。仰助清朝。致茲朽
鈍之餘。亦在
吹噓之數。

太常寺主簿

杜佑通典太常簿漢始有之。唐簿之制太常駕
四馬主簿車前八乘。魏晉亦有焉。梁天監七年。

十二卿各置主簿一人。陳因之。北齊有功曹五官主簿二人。唐制二人掌
付事勾稽。省署抄目監印給紙筆。餘寺主簿並同職。宋會要宋皇祐中宋
祈乞增置一員。勾檢在寺文書及掌出納。遂除胡瑗。後省不置。元豐正名
初除王子奇。建炎三年省。紹興十年復置。紹興十二年太常少卿王貺言
本寺主簿劉樂強記洽聞。又深禮樂所有討論文字。欲令同共討論從之
言行錄李浩除太常寺簿。輪對陳無逸之戒。且論宿衛大將恩寵太過高

宗感其言痛將旋就第自檜扼塞言路士風寢衰至是公與王十朋馮方登
薦胡憲始相繼有所開陳時號五賢聞者興起太學之士至為五言詩以述
其事諸司職掌國朝改為典簿二員正七品宋張廣東憲集汪勅太常寺主
簿制勅具官某列寺設屬皆取時才列在曲臺之職尤嚴簿正之職以兩
奮蹕庠序早有聲稱學傳而文官廡而畏俾任鈎檢宜兩優為往既乃心以
贊而長鄭起潛立庵外制奉議郎行武學博士孫夢觀除太常寺主簿制
簿領雖卑奉常孟禮樂所自出有列其則與閭閻稽古制作之事其選清矣兩
茂才粹德久橫經于石庠俾道曲臺將觀稽諏之學豈特簿書云乎哉虞備
尊白堂集葉宗曾太常寺主簿制朕惟禮樂所以粉飾太平而奉常實典
司之其間列屬並號清華爾文學政事俱有可觀簿正之職蓋朕通選今坐
廟堂居風憲多由此遂出爾身親見之矣益思涵養以待子之器使汪藻浮
溪集蘇良治太常寺主簿制簿領雖卑然隸于太常與閭禮樂之事非他
官比也非爾通敏朕不汝除洪平齋集劇用行除太常寺主簿制勅具官
某孔子先簿正祭器寅清禮樂之庠簿非冗曹比也爾以凝重之器和平之
政又著聲於湖表擢賓容臺禮制樂作皆參聽之漢儀雜秦唐舞因隋情文
本末必稽其失而糾其違毋徒諉之簿書之末可高者齋微溫顏李膺顏大

常寺主簿制 予方以爾雅文偉識直道明謨實諸右學養而資望曾幾何時士論浩然歸重禮樂之司非爾不足以重此選簿正祭器夫子所先往其欽哉母負所學衛後樂先生集通直郎賜緋魚袋王克勤依前官特授太常寺主簿制 爾總角知名被遇烈祖讀冊府之書踰三十年矣頃又以力學自奮名第細翔州縣既用復跌然遂得以其餘暇涵養遠業豈老其才而后用耶朕愛惜人物振拔滯淹此加收召俾寓曲臺簿領雖卑與聞禮樂之事往遊其間以俟褒陟可洪造盤洲集倪偶太常主簿制 簿領雖卑奉常蓋禮樂所自出有列其間則與聞稽古制作之事它事不可同年而語也爾強學好修久率多士俾造援嗣益觀所長蘇峴太常寺主簿制 爾四世祖精於禮學作太常因革書百篇行於世禮官有討論資以折衷而無聚訟之患爾不墜家學近臣稱之往游曲臺思賢其長許應龍東澗集劉震孫除太常寺主簿制 奉常禮樂之司素號清選而勾稽之職其事尤簡然錄是而登要路者前後相望也以爾名臣之裔博雅清脩學問深造於精微議論每彈於剴切容臺簿正允穆師言其振爾之家聲以待予之器使洪文安公小隱集左奉議郎張堅除太常寺主簿制 爾以輔臣子被服儒術益嘗從事御史府矣奉常之屬官秩甚清往游其間觀汝遠器任希

夷斯庵集吳國太常主簿制 勅具官某朕惟奉常簿領之司嘗預稽古禮文之事苟匪素推於達學未嘗輕畀以是官爾朕在朝行溫然儒者權跡綸昭列屬頌臺尚益懋於兩脩庶不辜于予選 孔元忠太常簿制朕惟奉常禮樂之司必得博習脩潔之秀克相而長斯稱其官爾才懋通今志勤汲古乃者試閣之選士贊我春官之持衡惟時從臣丞鵬顯薦權自天府之貳寘于簿正之繼其服異恩益著顯勅劉俊村集虞處除太常寺簿制 官曹之清者至國壁曲臺而止爾昨敷胄子右變之任也今擢奉常伯夷之選也一代稽古禮文之事官得與博士議郎共計論之豈特簿正祭器而已哉可 戴良齊除太常寺簿制 國家於稽古禮文之事無愧前代凡有列於頌臺者皆名流也爾老於文學有窮經析理之樂恬於榮利有難進易退之操奉常華選無以易汝庶幾昔人召魯生制禮之意可 趙汝腹除太常寺簿制 士大夫一門之內珠聯璧合接武于朝自輦輦賦鞞以來蓋不多見爾之伯氏既持文墨議論為吾近臣矣汝又結綬登畿惟列院非所以處汝也連之頌臺塗轍益清汝其勉旃嘯唱荒和 非惟侈承冠之盛抑亦為邦家之光可 孫桂發除太常寺簿兼太子舍人制 朕於士之懷才抱藝者惟恐不知之既知之惟恐其伏於下僚

而騰上之不逮也。爾修於家庭。人無間言。行乎州里。立乎本朝。士無異議。所謂造才成德者。禮官清於學者。儲案要於藩邸。朕為官擇人。非為爾擇官也。爾其懋哉。以對殊擢。徐棟堃先生集時煥授太常寺簿制。勅容臺簿領之職。所以稽杞禮文之疎闕也。非其人。豈輕畀哉。爾時樊英蜚屬籍。蔚有時名。亦既跡故府而陞帝社。周旋乎俎豆之間矣。懋簡聲實。晉陟勾稽。往欽乃司。典聽朕監。可。方澄豫為山集通莊常簿制。某敢以某官風派文雅。不忝家聲。政事術業。具有宦譜。昔之王謝本朝之韓呂。不是過矣。羽儀班行。引而上之。討裁臺閣。謀謨廟朝。固其任也。蕭然里居。一以江山雲月為家。宅筆硯簡冊為性情。富有其具。而用未盡。柄人物者。豈得辭其責哉。雖然。祿位相高。一時之榮也。文獻不墜百世之澤也。家庭講習。里巷婆娑。所以肖其先。而儼其家者。固有出於權勢寵利之外。猥茂光燁。寶大聲宏。雖欲勿用。其舍諸。某拭目以瞻召節之下。王典鈞藍縷。蒙回李寺簿制。伏以梅黃雨細。涼意如秋。恭惟某官。玉立鵷班。望實益偉。靈祇森扈。台候動止。萬福。某遐邇屏屋之標。紛易頻歲。機車辰斗。每切尊瞻。比緣驅馳。煩使吏氛。役人赫蹏之間。疏到几格。方自愧負。豈謂謙攝。下逮特枉誨函。捧誦襲藏。何啻拱壁之獲。仰惟某官。學識明博。而足以爽邦行能高。

妙。而足以撫世。羽儀文石。鈞考奉常雍容乎鐘鼓玉帛之間。討論乎典章制作之事。名流所萃。異用鼎來。臺閣垣扉。路徑平易。年除歲遷。即在甘泉上雍之列矣。某疎庸無取。誤點恩除。司臬近畿。責深寄重。迺免奉職。未知所以免戾。過勤慶語。良仍愛忘。顧居中之助。訂頑之訓。二者止有望於執事。尚冀垂念。幸甚。某伏承春軫。特有雪紆霜紉。雲腴之遺。物意俱映。當暑拜賜。尤為清絕。下情不任。珍感。至此。磨報慙德。莫究謝言。切祈撥令。向梓居。高致爽。前對殊渥。俯契忱頌。台閣大堪。中外視福。吳下凡有。翫策。願力驚頌。越著淳熙。藁次韻。劉寺簿絕句二首。山寺方同。祭祀。齋。忽驚。璽然一詩。聞從。今僕使親。餘論。願戒。磨門。許數。來。草樹扶疎。書滿。齋。夜。憲。燈火。酒。尊。聞。知。公。善。誘。蓋。前。輩。不。以。見。聞。嗔。去。來。揚。誠。齋。荆。溪。集。送。丁。牧。仲新除奉常寺簿入朝。帝念潛龍雪邸臣。寵光玉樹照青春。家藏履舄星辰舊。天借祈常日月新。從此雲霄君穩步。向來鴈鷺我曹鄰。曲臺簿正多廊廟。西府璇樞是一人。今樞密錢公。常為奉常簿。許景衡。橫塘集。寄敏叔寺簿詩。海角紛紜抵簿書。竭來不覺一年餘。自嗟擾擾無休息。猶及忽忽問起居。前日先生官獨冷。而今主簿意何如。應憐小女猶凝在。只喜腰間已佩魚。敏叔時為太常簿。新政服色。

宗正寺主簿

鄭熊通志梁置官也陳北齊隋皆有唐因之置一人唐會要開元二十五年七月勅宗正寺卿

丞及主簿擇宗室中才行者補授事類合璧天禧改元以衛尉丞趙鼎兼宗正寺簿元豐正名初除楊完建炎三年罷紹興十年復置隆興元年從王大賈等議詔宗正併省主簿一員二年詔宗正寺丞簿並依舊制曾親以使相領京祠王朴知閤無都丞百甘昇為內押班三人相與盤結士大夫無耻者爭附之袁樞字機仲為宗正簿因輪對數為上言之宗正地嚴秩清儒者之職也稍以序進宗勾稽之任元祐元年宗正寺言既許主簿通管寺事切恐亦合依太常寺國子監例正通管雜務其編纂圖書乞依舊例丞專修從之宋史列傳游師雄元祐初為宗正寺主簿執政將棄四岩訪於師雄師雄曰此先帝所立以控制夏人者也若何棄之不惟示中國之怯將起敵人無厭之求儻瀘戎荆粵視以為請亦將與之乎萬一燕人遣一乘之使來求關南十縣為之奈何不聽因著分經錄任希夷斯登集錢撫宗正簿制宗正設屬瑤牒是司不惟秩叙於皇支蓋俾待書于大事若時清選必屬儒流爾端序梁婆敏明通務昨舉一同之寂人躋六院之聯于茲期年翕騰美譽宜加超拔顯列周行其益屬於遠猷以

克承於殊遇。邢燾宗正簿制。卿寺簿領之職。式掌勾稽玉牒屬籍之司。實兼脩纂以兩性資敏。勵才術疏通。雖寒戚晚之華。休有周行之譽。宜自奉常之屬。與禪大事之書。其服優恩。克圖來勅。蘇東坡大全集文居中宗正主簿制。勅奉議郎管勾西京糧料院文居中。昔江左二老王導謝安唐之元勳。汾陽西平。皆以積德流慶。子孫昌衍。布列臺省。為邦家之光。今吾太師氏亦庶幾焉。爾才行之美。所資若深。見聞之廣。不扶自直。宜近而遠。未稱朕意。其歸乃事。同寅協恭。以究事君親之義。可特授依前官。試宗正寺主簿。高著齊微垣類藁。趙達龍宗正寺簿制。司宗設官。非徒整訓屬族。秩序昭穆而已。白玉之牒。編年紀事。與史並行。其選蓋不輕矣。爾脩纂博習。賢聞藹然。故府膠庠。皆所周歷。肆瞻雅望。簿正宗盟。往服厥官。以頌明陟。宋元龍行宗正寺主簿制。司宗列屬。非特莫世繫詔戚疎也。白玉之牒。實預編摩。匪賢不以選授。爾有內美。重以脩能。典獄以稽經。誦律為事。長邑以學道。愛人為心。留真周行。澹然無營。肆庸命爾。簿正屬籍。往敬乃事。以稱所蒙。奉議郎幹輝行在諸軍糧料院謝方叔。特授宗正寺主簿制。西南之彥。是闡坤珍。于用時拔。其尤嘉其直。大之氣所鍾也。爾家嘏下。其炳靈載英之尤者乎。現意琦行。蔚其為士林之特。歲元。命

爾以勾瑤籍之摺意有屬焉將伯助予此為之兆許應龍東潤集董槐除
宗正簿制 勾稽宗寺雖事簡職閑然華塗要津由茲而升者前後相望
也爾奮身儒級遇事精明中外踐吏尉有休譽擢陞茲職益觀爾能尚克
欽承勉圖報稱爾麟之海陵集鄭知剛除宗正寺簿制 君子求為可知
而不求於必知改其知之也孰樂夫已有可知則鳴皋之鶴雖在陰而子
和必人之知則夜光之璧或投暗而人疑理蓋然也爾以成德之彥白首
於州縣間所行所為無非可知者而未嘗求人之必知也今薦者以聞于
朕特召見而褒進之序于司宗列在寺屬其品高矣朕將以是為孰擢之
階可洪文安公小隱集右承奉郎兵曹除宗正寺主簿制 汝以儒雅自
命昔嘗從事于太常矣司宗簿正其選甚清往惟丕欽無怠於事彰汝礪
鄱陽集王誼宗正寺主簿制 初某爾昔備學官以憂去位日月不處亦
既除喪為屬司宗勾檢稽失無易乃服以期于成可剏後村集黃應春除
宗正寺簿制 麟寺名掌屬籍實以纂述瑤編為職地清天近非名流不
輕授爾經明而行脩年高而德邵書所謂耆德語所謂先進詩所謂典刑
人也錄傳士贊司宗一代大典皆與討論焉爾既無史官學識之長朕非
責俗吏簿書之務可 馮夢得除宗正寺簿制 昔人以大幕府為小朝

廷謂人材之所聚也。從吾大臣拔蜀者多矣。爾其一焉。甫聞朝蹟。卷懷而去。起參淮柵軍事。俄而青齊拓土。濟汶歸疆。矣夫有磨有作。擢之才必能秉檢玉泥金之筆。朕以瑤編初草。付爾筆削。將極文章之用。陳琳阮瑀之事。淺矣尚矣。其遠者大者可。林裕除宗正寺簿制。近世學士大夫同流以媒進。枉已以希福。滔滔皆是。至於獨立以決去直。道以觸禍。則吾未見其人焉。爾前在學館。言論風旨。離合去就之際。皆可暴之。當世朕既振去凶邪。叢之留落。遷徙者以次進。擢汝久而後至。色無愠喜。瑤編大典。得以筆削事簡。職清其益。充養汝之浩然者。以俟于用。可。陳炎松溪集賀馬府判除宗正簿啓。頌綸鳳掖司籍。麟宗半刺。翱翔正喜。分嚴陵之月。九族秩序。又移近長安之天。凡屬照臨。不勝鼓舞。禮樂先進。典刑老成。瑤林瓊樹之人。象紫閣黃扉之地。步雖間周。景素見重。於題輿。豈有王祥能久淹於別駕。詔果來於當宁。薄爰正於司宗。晉陽清班。咸謂華選。金枝譜衍。行將歌螽羽之詩。紅藥階翻。邁即鳴鳳池之珮。某冒難作。賄竊託監州。忽聞成命之放。倍激懦衷之喜。屏星東駕。遙撫燕雀賀厦之忱。思天下臨幸。監大馬戀軒之意。精神淵源。余日華回陳宗簿啓。某共審恩頒。宸宸薄止。仙源展驥。足於治中。久資關決。司麟宗之屬籍。方賴纂脩。步武翱翔。薦

紳忻愜某尚稽賀慶過沐貽箋三復譙撫一味漸感輒馮來尺牘叙豪分
草帥悚然融亮幸甚 回陳宗簿入國門啓 某伏審光奉璽書勾稽瑤
籍脩門初入賢路有開屬以拘文無從納謁先蒙捐輸良認謙勤占報不
莊原亮幸甚 賀胡宗簿啓 伏審錫寵宸廷勾文屬籍鑲白玉之牒正
資良史之才涉赤墀之塗行趾先猷之美除音初布輿論無詣某久矣辱
知劇于賀喜華絨俯逮已榮蔭衍之藏慶個欲陳敬俟門墻之誼啓劉淵海
揚長孺謝除宗正寺簿啓涉赤墀之塗久誤微聞於章奏鑲白玉之牒端今
勾會於簿書何已試而因功廼超遷而席寵詔爵如許非才豈堪共惟本
朝莫重信史大事書之策昭垂列聖之光明衆美效之君顯命上公而典
領繁編年而繫日可緯地而經天雖人主之自觀難迂直筆蓋儒生之唯
謹敢妄措辭第實錄而舉綱將垂鴻而傳後文昭武穆本蔓葛而絲瓜帝
子天孫如倚蘭而蟠李交脩譜牒厥有科條爰稽古而建官俾公職而率
屬茲宜妙選孰得溫吹如某者枵然抱虛老矣安用纂言記事初乏古人
之三長更治考功或觀休儒之一節僉養遠迹憂患餘生束帶立朝請衆
為母徒守諸侯之邸恐稽傳命之郵芻蕘有言嘗切嗟而無諱雷霆收
怒曲隱忍而無容龍顏斯溫驚羽載拂是殆喜沒黯之慙不然寧蕭